

JUDASIY NŪRYA CATERA

Samŭchuveda riy Jŭdenu jaryetavay

¹Ray, Júdasíy, Jesucrístu muchechiy, jiryatiy Santiyácu taryi darye, jiryatiy Jacóbu jtyati jaryeni. Rañurya catera jiryejyū Jŭdenu natuvyejyuu, jiryatiy Vujye Jŭdenu vātavay jiryedye, Jesucrístu jnutyasavay jarye risajū jirye. ²Raṃa jasay santyutyāda jiryejyū, samirya vichāda jarye, savatāda jarye risajū.

Rutuyadamu yitay Jŭdenuju tuchuvayu

³Ravyatavay, dañuma rañuryūy jaryi jiryejyū ranchiy vuryentyutyasāda, diye rayaruryamu rañūy varenuvaju jiryejyū ratidye nirutyaniy jiryetyuvachodamujyūy; jiryatidye ray rayadaju samituchoda, jiryatiy sabamyūmyā Jŭdenu jiryetavajyura. ⁴Riityenuma vaduy jiryeñiyaresiy daryaju jiryequebyimujyūy, rivyichanuyada parutisavay rajotadamusiy, jiryatimyu ne ridyetyaruñi Jŭdenu. Riñi vicharujeya cadnamiy, jiryatiy jaryi jantyuryani Jŭdenu vujyū, rivyichadedamu ne ridyetyaruñi sitenu vujyamī Jesucrístu, ne rivyata jintyityūy daryajuni.

⁵Rajechipityataníy jita jiryerya jiryatiy jiryedyetanuyadara. Jiryajachipityara nutyu Vuyntyityū sipyatāda riy jñijyanvay Ejíptumusiy, rivasíy jita saparutāda riy rityimyu ne tuvachuruyada simu. ⁶Satuunu vichavay jarye rityimyu ne vicharuy jivyichajomu jasityi sani bayada Jŭdenu rivyichadajyūy, jiryatiy riyāda

jadchíy, sabayada variy nupocudinube jasiryi, rivyichasara puchusavay junare saraju tanuvunujoyimū, jamu rundasaraju jasityi savichaniy taji daryaju riy.

⁷Daryantiy rivyichasara Sodóma janvay, Comórra janvay jarye, ruṛo vichāda janvay titaju. Jiryatiy ricyadnaveda jaryi, riryarupantara ti barya ranchaju, riryaparutyasara jiidamyu rivayu. Sabayada Jŭdenu variy jantyasavajyū riy, vuryatidye datya nutyuramusiy savichaniryi juuchataway.

⁸Daryadantiy rivyichasara jivye vācha maryisavay rapuryamiy, jiryatiy riryarupantasarara jivyū, riñi rrachu jaryirya nusuyadantiy, riryavityiye variryi vandamu vichavay. ⁹Miyériy jita, jiryatiy Jŭdenu tuunu vichavay jiyanti dañi, ne savityiyeypadani bayantu nutyityū nanuniquettadanumatiy riva Muyisésiyy babyiyu. Mitya suteda siva: “iSama niquetya Vuyntyityū ji!” ¹⁰Jivye vaduy jita javityiyerya tara jiryatiy ne ridyetyara. Jiryatiy ridyetyara tara nutyu javāda datyisamiy, ratatiy ripyarutayu.

¹¹Tiíi, tajnate dayu jiryatiy richiityarima Cayibay vichadedamujyūy (nitimyu ne tuvachuruyadara Jŭdenu niquejada); ricyaramyā daryā, nutyu sacarayadatiy Badámubay, jiryatiy richiiryi variy ranachō criquiy, jiryatiy ricyanaryūy quivuyada murichirya darya. Jadchintiy riryaparutay jiryatiy rirrachura nusuyada, daryani sivaayada tariy Corébay (nitíy rrachodara

Muyisésibe nusuyada, saparuteda variy rucosiy). ¹²Rivyichasara jivye mijuvye jiryequebyimu, jiryatiy riryimiy jiryisa, jasityi jiryimiy vatajuu Jüdenü vatađamu, runuyada ramidvarya jiryatiy ripotyaniy jichuvuyasadamuyu. Riñicha nutyu nuvachiy jatyasara riichota, jiryatimyu ne jatarara (nutasara javyecharaju); riñichantiy nutyu ninu nutasara, jiryatimyu ne jotara rarundamudayu, vassanu, daputasara raruva, (tapi ne ruvaay tara Jüdenü jtedamuju, tarajnatya daryaju Jüdenü jnutyä jiryiva day). ¹³Riñicha nutyu riyerya suvuchara, vajiryuditara daryajura (tapi rivyichade-divasiy vudyi nutyu vajicyadi riva taji jvaachara day). Riñichantiy nü datyanuvay caravye, varityimyu ne ridyetyara nü nuday. Riryajto rumu jasityi sabayada Jüdenü ridyijjomujuyu, tıtaju junareju, jaryi nupocudinube.

¹⁴⁻¹⁵Satuchoda tariy Jüdenuju tüchu Enócu jtyatı rinchintiy. Nini vichada danujuñijyateju Arábay judebimimysiy, satuchoda variy Jüdenuju:

“Jiryajnuv, radyi siva Vuyntyityu, sitıma rusä jijeryetasavay, rajuura varanca daryaju riy. Sitıma satıdye vichaniy tıtaju riy, satıdye dityanuriy rityevay jamirya vichavay, jiryatiy ruvaachara jamirya jachipiyajadamura jamirya jvaayada; jadchintiy jiryatiy riñiquesara juuchata-varya vacha niquejada sanijyu, jiryatiy jamirya vichavay daryaju daryi.”

¹⁶Riñicha jivye rusä jmutyajavay, rityuchutasara riy tavay. Riryupityityi jidyirya nırucharamuju. Ruto day niquesara yinnuvayadamu darya jamura niquejada day. Rijeryeta ti riryatıdye nique samiy sanijyu, riryatıdye jmutya nta variy simusiy tara.

Satuchu siityarivay nırutyadedaju

¹⁷⁻¹⁸Jiryajachipityara, ravyatavay, riñiquejada Vuyntyityu Jesucristu nusubymiy, jiryatiy ruteda jıtyaju: “Tamitya rundamu jıta rıryecha javiryutyadacanumiy rityi rupityityi jidyirya nırucharamuju, vacha nırucharamuju.” ¹⁹Jivye jıta jatachu tajiñechoju riy tavantyidy. Rivyichasara jidyirya jachipiyajadamuju, jiryatimyu ne Jüdenü Jnututavay daryaju daryi.

²⁰Jiryë jıta, ravyatavay, jiryama siye jityuvachodamu simu, jiryatıdye vichasara samivye sajı tıtaju variy. Jiryama vichasara sisä tüchuvay Syntumusiy.

²¹Jadchintiy jiryama vichasara Jüdenü vatađamu, jasityi jiryanutuy rajıju Jesucristu jantyutyada, ratatıy sasay junareju jnyudaju vuy. ²²Jiryama niqetta samiryamu riy tavay, jiryatimyu ne surra jachipiyajadatavaryi. ²³Jiryama jantyuy ruuva rityevay, nutyu vuchovarya tara jıidamyusiy rañuma rupay; jiryantya jantyutya riy rityevantıy, jiryatiy vudyi riva rivyichada suvuchara, ranıcha mijurya vacha nırucharamusiy daryaju.

Sičhanatyasara Jüdenunijyura

²⁴Vuryajchanatya jaryi diyenı nıtiy datya bayada juuchuveđajisivyuy; sadatya jnutatyada variy Jüdenumu vuy, vuryatıdye raniy jaryi jchanavye vandamu variy, jiryatiy sabay samivyevyuy, ne mıtavay sadiya variñundyevyuy. ²⁵iRachasarate vandate sajı, jaryiñu vichada risaju Jesucristumusiy! Jiryatiy sanıcha vinu tiqıu Jüdenü vuryeyada rañu, ramuni vuryasabuchara tıtaju sütedamu, vuryatuvachu variy simu. iDaryanı ravichanuyada tariy, daryaday rača diyentiy, junaresaraju tıtaju! Rañumyumyara.

Sayanuma
Júdasiy